



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422
fax. +387 33 726 414
e – mail: info@voda.ba

Broj: **UP-1/21-3-40-020-9/24**

Datum: **13.05.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Adriatic Metals BH“ d.o.o. Vareš za izdavanje vodne dozvole za aktivnosti koje mogu imati specifične uticaje na vode i ispuštanje oborinskih onečišćenih voda, prilikom izvođenja radova na prostoru deponija materijala nastalih u procesu podzemne eksploatacije i pripreme kompleksne rude olova, cinka, barita sa sadržajem pripadajućih mineralnih komponenti na ležištu Rupice, općina Vareš, na osnovu člana 109. stav (1) tačka 11. i stav (2) tačka 1. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE o vodnoj dozvoli

1. Pravnom licu „Adriatic Metals BH“ d.o.o. Vareš daje se vodna dozvola za ispuštanja oborinskih onečišćenih voda i aktivnosti koje mogu imati specifične uticaje na vode prilikom izvođenja radova na prostoru deponije materijala nastalih u procesu podzemne eksploatacije i pripreme kompleksne rude olova, cinka, barita sa sadržajem pripadajućih mineralnih komponenti na ležištu Rupice, općina Vareš.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstva i vodoprivredu Zeničko-dobojskog kantona, u skladu sa članom 139. stav (2) Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokaciji objekata i pod slijedećim uslovima:
 - 3.1. Da korisnik predmetnog poslovnog kompleksa objekata i sadržaja iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (separatori ulja i masti, betonski taložnici, betonski i zemljani kanali i slivnici, kanalizaciona mreža, transportni sistemi, drenažni sistemi, multibarijere i dr.) redovno održavaju i koriste na način koji će obezbijediti njihovu potpunu ispravnost i funkcionalnost. Čišćenje i održavanje postrojenja za tretman otpadnih voda može vršiti isključivo firma ovlaštena za tu vrstu djelatnosti.
 - 3.3. O načinu i vremenu izvođenja radova na održavanju, odnosno o pražnjenju i zbrinjavanju sadržaja postrojenja za tretman otpada neophodno je voditi službenu evidenciju.
 - 3.4. Osigurati priručna sredstva za brzu intervenciju u slučaju nekontrolisanog istjecanja masti, ulja i drugih komponenti kako bi se spriječilo moguće onečišćenje voda i tla (prikladni apsorbenzi, odgovarajuće posude, uređaji za pretakanje i sl.).
 - 3.5. Da se redovno vrši skupljanje čvrstog opasnog i neopasnog otpada na lokaciji, te isti propisno skladišti do njegovog konačnog zbrinjavanja od strane ovlaštene organizacije. Isti se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.6. Da se usvojenim tehničkim rješenjima iz projektne dokumentacije i realizovanim radovima poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent-lagunu, ostanu u maksimalno dopuštenim granicama definisanim u odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.7. Da se tokom važenja ovog Rješenja obezbijedi minimalan broj uzorkovanja otpadnih voda iz okana za monitoring shodno odredbama Uredbe o uslovima ispuštanja otpadnih voda u okoliš i sisteme javne kanalizacije, te pojedinačni i zbirni izvještaj dostavi Agenciji.
 - 3.8. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne

- odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.9. Ukoliko Vlada Zeničko-dobojskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u odredbama Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama („Službene novine Federacije BiH“, broj 70/06).
 7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 8. U periodu važenja ove dozvole, pravno lice je dužno provoditi sve mjere i aktivnosti propisane istom.
 9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Adriatic Metals BH“ d.o.o. Vareš obratio se ovoj Agenciji aktom broj: 565/2025 od 17.02.2025. godine sa zahtjevom za nastavak postupka izdavanja vodne dozvole za ispuštanja oborinskih onečišćenih voda i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na prostoru deponija materijala nastalih u procesu podzemne eksploatacije i pripreme kompleksne rude olova, cinka, barita sa sadržajem pripadajućih mineralnih komponenti na ležištu Rupice, općina Vareš.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Rješenje o izmjenama podataka, broj: 043-0-Reg-24-001271 od 13.12.2024. godine izdato od strane Općinskog suda u Zenici – ovjerena kopija,
- Uvjerjenje o registraciji poreznog obveznika od 25.04.2023. godine izdato od strane Kantonalnog poreznog ureda u Zenici – ovjerena kopija,
- Uvjerjenje o registraciji/upisu u Jedinstveni registar obveznika neizravnih poreza, broj: 04/1-17-1-UPJR/1-2503-2/23 od 14.04.2023. godine izdato od strane Uprave za indirektno-neizravno oporezivanje Bosne i Hercegovine – ovjerena kopija,
- Dokaz o ispunjavanju uslova za obavljanje poslova u okviru rudarske djelatnosti, broj: UP1-16-14-2-05289/2022-16-3 od 08.07.2022. godine izdato od strane Federalne uprave za inspekcijske poslove – ovjerena kopija,
- Obavještenje o razvrstavanju poslovnog subjekta prema klasifikaciji djelatnosti, broj: 07-28-5-6625/23 od 05.05.2023. godine izdato od strane Službe za statistiku za područje Zeničko-dobojskog kantona - ovjerena kopija,
- Rješenje o puštanju u probni rad, broj:1103/2024 od 04.04.2024. godine izdato od strane „Adriatic Metals BH“ d.o.o. Vareš,

- Zapisnik o izvršenom tehničkom pregledu rudarskih objekata (plato za depo rude i drobilicu) na lokalitetu "Rupice" kod Vareša, „Adriatic Metals BH” d.o.o. Vareš, u cilju puštanja u probni rad, broj:1082/2024 od 02.04.2024. godine - kopija,
- Rješenje, Up/I broj: 06-14-1-211/24 od 04.06.2024. godine izdato od strane Federalnog ministarstva energije, rudarstva i industrije – kopija,
- Rješenje, Up/I broj: 06-14-1-555/24 od 27.01.2025. godine izdato od strane Federalnog ministarstva energije, rudarstva i industrije – kopija,
- Rješenje, Up/I broj: 06-14-1-740/21 od 06.01.2022. godine izdato od strane Federalnog ministarstva energije, rudarstva i industrije – kopija,
- Rješenje Up/I broj: 06-14-1-145/24 od 22.03.2024. godine izdato od strane Federalnog ministarstva energije, rudarstva i industrije – kopija,
- Zaključak o obustavljanju postupka, broj: UP-1/21-3-40-020-3/24 od 09.02.2024. godine izdat od strane Agencije za vodno područje rijeke Save, Sarajevo – kopija,
- Zapisnik broj: 201/2025 od 21.01.2025. godine o izvršenom tehničkom pregledu rudarskih objekata, postrojenja, uređaja i instalacija izgrađenih po odobrenoj projektnoj dokumentaciji u jami „Rupice”, „Adriatic Metals BH” d.o.o. Vareš,
- Rješenje, broj: UPI/03-19-2-138/21 od 03.06.2021. godine izdato od strane Federalnog ministarstva prostornog uređenja – kopija,
- Rješenje, broj: UPI 05/2-02-19-5-60-2/20 od 28.03.2023. godine izdato od strane Federalnog ministarstva okoliša i turizma – kopija,
- Rješenje o vodnoj saglasnosti, broj: UP-1/21-2-40-532-9/21 od 01.02.2022. godine izdato od strane Agencije za vodno područje rijeke Save, Sarajevo – kopija,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija

- Investiciono - tehnička dokumentacija Glavni projekat za izgradnju deponije materijala (jalovina, ruda i sl.) nastalog u procesu podzemne eksploatacije kompleksne rude olova, cinka i barita na lokalitetu Rupice u općini Vareš, urađena od strane „Zagrebinspekt” d.o.o. Mostar, siječanj 2022. godine, broj:01-15-150-X-2/21,
- Projekat izvedenog stanja izgradnje deponije materijala (jalovina, ruda i sl.) nastalog u procesu podzemne eksploatacije rude olova, cinka i barita na lokalitetu Rupice u općini Vareš, urađen od strane „Zagrebinspekt” d.o.o. Mostar, siječanj 2025. godine, broj:01-15-15-I/25.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH” broj: 31/15, 55/19, 41/20 i 63/22), izvršen je ponovni obilazak terena u postupku izdavanja vodne dozvole za Investitora „Adriatic Metals BH” d.o.o. Vareš za ispuštanja oborinskih onečišćenih voda i aktivnosti koje mogu imati specifične uticaje na vode prilikom izvođenja radova sa prostora deponije materijala nastalih u procesu podzemne eksploatacije i pripreme kompleksne rude olova, cinka, barita sa sadržajem pripadajućih mineralnih komponenti na ležištu Rupice, općina Vareš i tom prilikom sačinjen Zapisnik o izvršenom uviđaju broj:UP-1/21-3-40-020-6/24 od 10.04.2025. godine.

Prethodni dio ovog upravnog postupka okončan je Zaključkom o obustavljanju postupka, broj: UP-1/21-3-40-020-3/24 od 09.02.2024. godine.

Obustava postupka je trajala dok investitor na terenu nije postupio u skladu sa zahtjevima iz rješenja o vodnoj saglasnosti, u cjelosti, i dok nisu okočane sve aktivnosti na obavljanju tehničkog prijema izgrađenih objekata i sadržaja, te obavještenja Agenciju o sticanju uslova za nastavak postupka-izdavanja rješenja o vodnoj dozvoli.

Investitor je obavio tehnički prijem izgrađenih objekata i sadržaja, izvršio puštanje u probni rad, te o istom obavijestio Agenciju.

Na osnovu dostavljene dokumentacije, izvršenog uviđaja na licu mjesta, utvrđeno je sljedeće:

- Na Platou 1 nalazi se prostor na kojem je instalirano postrojenje za proizvodnju betona – betonara kapaciteta 50 m³, tip Concret-1001, koja je isporučena od strane proizvođača "Frumecar". Sistem odvodnje kontaktnih voda sa betonare (voda za pranje postrojenja i transportnih sredstava) koje su onečišćene suspendiranim česticama kao što su ostaci betona, pijeska, kamenja, zemljanih čestica i sl. se primarno pročišćavaju u taložniku gabaritnih dimenzija 6,0x2,5x2,5 m, a sekundarno u separator ulja, masti i naftnih derivata s bypass-om, kapaciteta Q=15,00 l/s tip BP OLEX 15 M/KF/O/SN

proizvođača Borplastika, nakon čega se odvođe u cjevovod koji odvodi kontaktne vode u postrojenje za pročišćavanje otpadnih voda. Tačnije, iz separatora je izveden odvodni cjevovod DN 200 koji se priključuje na revizijsko okno (DN 800 mm) odvodnog cjevovoda kontaktnih voda promjera DN 315 koji sve kontaktne vode odvodi do lagune, odnosno postrojenja za tretman otpadnih voda (ARD treatment plant).

Odvodnja sa prostora za pranje transportnih sredstava je riješena na taj način što je taj prostor izveden u nagibu prema predtaložniku i taložniku, te se voda gravitacijski slijeva u iste, nakon čega se tretira na prethodno opisani način.

➤ Plato 2 ukupne površine 1,5 ha predstavlja prostor na kojem je bila predviđena izgradnja skladišta emulzija i prostor za „swick“ uređaj. Na platou 2 trenutno ne nastaju otpadne vode, izveden je sistem odvodnje beskontaktnih (čistih oborinskih) voda koje se najkraćim mogućim putem odvođe u prirodni recipijent - zacjevljeni bezimeni potok 2.

Glavnim projektom za izgradnju deponije materijala (jalovina, ruda i sl.) nastalog u procesu podzemne eksploatacije kompleksne rude olova, cinka i barita na lokalitetu Rupice u općini Vareš izrađenog od strane poduzeća „Zagrebinspekt“ d.o.o. Mostar (01-15-150-X-2/21) je bilo predviđeno da se na platou 2 izgradi postrojenje za zasipavanje iskopanih jamskih prostora (postrojenje za proizvodnju paste), ali se u nekim kasnijim fazama odlučilo za drugu lokaciju da bi se potom od njegove izgradnje odustalo zbog Odluke Ustavnog suda: Odluke o privremenoj mjeri kojom se Privremeno stavlja van pravne snage Odluka o promjeni namjene šumskog zemljišta i privremenom korištenju šumskog zemljišta u druge namjene Vlade Federacije Bosne i Hercegovine ("Službene novine FBiH" br. 89/23 i 100/23). Investitor se uslijed navedene situacije odlučio da će proizvodnju paste za zapunjavanje iskopanih kampada vršiti na alternativni način, odnosno u jami. Ova aktivnost nije predmet ovog Rješenja o vodnoj dozvoli i investitor je upoznat sa potrebom podnošenja zahtjeva za izradu dopunskog Rješenja o vodnoj dozvoli broj: UP-1/21-3-40-629-4/23 od 13.02.2024. godine.

➤ Plato 3 je tokom izgradnje u manjoj mjeri promijenio svoje karakteristike u odnosu na one prikazane u prethodnoj projektnoj dokumentaciji. Navedene izmjene su se dogodile uslijed nemogućnosti krčenja šume na mjestima gdje je to prethodno bilo predviđeno. Izvršena je ugradnja multibarijere na cijeloj površini platoa sa kanalima za prikupljanje ocjernih voda. Sastoji iz dva visinski odvođena dijela: prostor mašine za drobljenje i prostor za privremene depoe rude. Kapacitet modularnog drobilnog postrojenja iznosi 300 t/h. Na dijelu platoa 3 se formiraju privremeni depoi rude i depoi inertnog materijala (jalovine) do trenutka njihove obrade na drobilnom postrojenju, kao i privremeno deponiranje izdrobljenog materijala prije nego se isto odveze u postrojenje za preradu na Tisovcima ili dok se jalovina ne prebaci u jamu do postrojenja za spravljanje paste. Sirovina se iz rudnika prevozi pristupnom cestom do pogona modularnog drobilnog postrojenja. Rovna masa rude zajedno sa jalovinom se kamionima dozira u prijemni bunker sa statičkom grizzly rešetkom. Upravljanje postrojenjem vrši se preko centra za upravljanje kompletnim procesom. Na predmetnom lokalitetu-Platou 3 u procesu rada drobilnog postrojenja ne koristi se voda niti nastaju tehnološke otpadne vode. Atmosferske vode sa platoa 3 mogu biti onečišćene suspendiranim česticama u kontaktu sa odloženim materijalom, te drugim zagađivačima uslijed procjeđivanja kroz depo rude ili izdrobljenog materijala. Cijeli plato i kosine su prekrivene multibarijerom kako bi se spriječilo prodiranje vode sa platoa u tlo. Atmosferska voda sa platoa se odvodi u otvorene oborinske kanale na rubu platoa. Sve kontaktne vode se sakupljaju u šaht na kraju glavnog kanala (oborinski kanal br. 2) i cjevovodom slobodno položenim niz bermu, sprovode do lagune, a iz nje postepeno doziraju u postrojenje za tretman otpadnih voda (ARD treatment plant).

Dakle, sve kontaktne vode koje nastaju na predmetnom lokalitetu, bez obzira da li zahtijevaju jednostavniji ili složeniji tretman i bez obzira jesu li primarno pročišćene (u taložnicima i/ili separatorima) se odvođe na tretman pročišćavanja u postrojenju za tretman otpadnih voda (ARD treatment plant) trenutnog kapaciteta 11 l/s, a maksimalno mogućeg kapaciteta 15 l/s, za koje je izgrađena laguna kapaciteta 2.600 m³ koja vrši regulaciju protoka u postrojenje. Nakon postrojenja za pročišćavanje je izveden sistem recirkulacije sa preljevom gdje se dio vode odvodi u postojeći tlačni cjevovod sa vodozahvata Vrućeg potoka odakle se distribuira do tehničkih potrošača, dok se dio pročišćene vode ispušta u revizijsko okno zacjevljenog potoka 2. Prije pumpne stanice za recirkulaciju je ugrađen separator ulja kapaciteta 15 l/s tip ROTO NS 15 da bi se spriječila neželjena zagađenja do kojih bi moglo doći u slučaju ispuštanja ulja iz hidrauličkih strojeva postrojenja za pročišćavanje otpadnih voda.

Laguna i postrojenje za pročišćavanje tehnoloških otpadnih voda, kao i otpadne vode koje nastaju u jami i prostoru lagera i dr. nisu predmet ovog Rješenja o vodnoj dozvoli i za isto je izdato rješenje broj: UP-1/21-3-40-629-4/23 od 13.02.2024. godine od strane ove Agencije.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Adriatic Metals BH” d.o.o. Vareš ispunio minimum uslova za izdavanje rješenja o vodnoj dozvoli za ispuštanje oborinskih onečišćenih voda i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta prilikom izvođenja radova na prostoru deponija materijala nastalih u procesu podzemne eksploatacije i pripreme kompleksne rude olova, cinka, barita sa sadržajem pripadajućih mineralnih komponenti na ležištu Rupice, općina Vareš, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr Selma Merdan, dipl.inž.geol.

Prilog: Tehnička dokumentacija navedena pod B. obrazloženja rješenja

Po ovlaštenju
Rukovodilac Sektora za izdavanje vodnih akata



[Signature]
Kihad Pezo, dipl.inž.građ.

Dostaviti:

- „Adriatic Metals BH” d.o.o.
Tisovci bb, 71330 Vareš, (sa prilogom),
- AVP Sava, ISV-vodna knjiga,
- Org.jed. 40 – arhiva,
- Org.jed. 50 – ovdje,
- Oglasna ploča AVP Sava